




文 257.756

35.2



止齋先生文集卷之八

律詩

村居二首

業已將身落耦耕時於觀物悟浮生擇栖未定馬蹄立避礙
已通魚並行野老窺窠占太歲牧兒敲角報殘更絕勝倚市
看郵置客至還無菜甲羹

野衣農圃雜華髮弟兄同佚老便居僻貪閑喜命窮習成杯
酌少脫落語言工危坐看派景新萌又落紅

和宗易作屋之什

欲因舊築倍勞形昔在先生配二程梅樹護持供北顧萱堂
潤色作東榮但堪樽俎未三益何必簾牆屏五兵若徒余藤
方乞我亦令兒輩記家聲

送縉雲葉正初兼簡杜伯高

我固聞人非草草君於前輩亦拳拳經師未數鄰夫子筆力
方窺李謫仙所恨尚於收第晚將詩空與昔時傳頻年不信
燈花報報得人來亦可憐

和宗易賦素馨茉莉白蓮韻

軒聽一日繁三英盡室無塵眼倍明閩粵固嘗於絕美風騷
猶未及知名羞將姿媚隨花譜愛伴孤高上月評獨恨遇寒
成弱植色香殊不讓梅兒

沈仲一送菊自言封殖之勞欲得詩為報為賦三絕

東籬何在菊年午菊視陶詩竟孰賢未必綠詩花更好花將
詩典萬人傳

霜欺風味小槽春新樣宮衣試麴塵題詞健一段秋光誰領
此芙蓉尺子桂陳人
愁乾手自搭連筒苦雨丁丁找小蓬乞得花開急催客明朝

恐已着霜紅

仲一以詩未用韻奉荅

陪侍經緯亦歲年亦嘗尚論翰衣賢如今三嗅馨香泣惟恐
將詩去浪傳

嗚咽苔移玉座春昔年曾扈屬車塵重陽不見黃封酒只見
餐英獨醒人

剩有新詩入遞筒豈無能畫作掀蓬金錢翠蓋相輝映着我
蹇然酒借紅

寄題薛象先新樓

矮簷風雨送蝸牛有客來誇百尺樓闔郡臺池皆下瞰昔城
湖海亦全收清時未放徒高臥半世何為故倦遊解盡囊金
君計決月明長笛起漁舟

立春

千官勒馬謝騰騰萬國鞭牛占雨晴誰據槁梧相近午類車
徐搏鼻無聲

除夜用前韻

春未十日垂垂雨歲盡今朝亦未晴衰老見年殊不覺取聽
穿葉打窗聲

送子婿林中甫還侍

銷鏘笙瑟昨階東穆穆黃流玉瓚中近在門閨無此稱老未
襟抱更誰同幽燕遺恨須收弟孔孟微言要忍窮精舍一區
泉石好何時相就看冥鴻

遊趙園

主人避客竟何之雨過停梳落日遲賴有畦丁曾識客未食
花送兩三枝

赴林宗大招賞牡丹之集

剝豔要春酌圓梁得晚晴千花名品下一葦病身輕文會昨
夜轄清歡勝絕縷倦遊吾獨愧歸越兩山明

寄謝懷英高士

聞君已倚崑山請顧我方當絕跡時欲葺止齋猶未就篋中
應有草堂資

和張端士初夏

綠陰四合水迷津春去雖愁却可人無數飛螢窺奈帳有時
乳燕落梁塵滿塘荷蔭將還舊試火已香又新新短夜得眠
常不之僧鐘遮莫報昏晨

屈原賈誼陶淵明文辭皆喜道孟夏而悲樂不同雖所遭
之時異要亦懷抱使然爾端士寄夏日一首若無聊然因
和其韻頌初夏之義以解之

送周介之同年赴德化宰

民社須吾黨江湖足此情不堪秋暑近欲趁莫潮平拙官成
華髮憂時自短髮君看廬阜石千載尚垂名

謝林默之居士惠酒居士山居方與世絕尚欲友此
廢人耶小詩舉發一笑

不將鷺鴨惱比隣林下蕭然老幅巾乞與青州十從事忝成
明月兩閒人

戊午壽國舉兄

一母分身四白頭從今家事付兒流只須老草供觴未乍可
婆娑伴釣遊勞世萬人輪暇日好天一雨薦新秋平章何物
官為壽三十餘年晏子裝

止齋即事二首

性已耐岑寂老應忘隱憂齊年雙白髮盡日一蒼頭竹間
門鑰蒲團數漏籌未知庭廡下還有雀羅不

教子時開卷逢人強整襟再貧看晚節多病得初心地僻
蓮好山佷竹樹深寄聲同燕社明月又秋砧

戲題止齋叢石

雖無辟立翠琅玕聊當庭前憤鼻視我亦聞之方伎者叢山
皆大小為尊

重陽和朱直方韻

衰老登臨得並家絕勝十載向天涯直須與世為陶令謹勿
令人識孟嘉蓋水悲吟空雅健牛山醉墨漫欹斜誰知竹素
雖無兮一笑何妨菊自花

用徐叔子韻送其過毗陵

家食年年未解忙浮沉閭里但壺觴偶緣他故趨吳會可便
吾徒憶魯狂曲水風流王逸少鑑湖窮約賈和章請於百尺
樓頭上下視人間有肺腸

送四明汪文子

文威經生少官軀舉子繁誰能堪遠役相與及微言
瘵來留春雨新愁起夜樽斯文吾不敢短句送歸轡

寄九江宋居士

篋中每閱所藏書長憶瀟湘九宛餘一別十年身尚健
復無飛羽過匡廬

鼎劉進之

冰柱劉又句綈袍范叔寒所親多物望相識半人寰
今老猶徒步吾窮亦厚顏幽懷真易足萬卷屋三間

己未上巳清明

霖霖故作落花天佳節重重倍悵然雖有庭除臨曲水
更無尊俎試新烟醴醪雅欲延春賞杜宇還能破晝眠
賴得一昆同一客巖茅蒲笋短檠邊

和林宗易上巳韻

蠶叢曙鼓五更初杖藜何門可曳裾孰與課兒翻
故紙幾曾緣客掃精廬常饑未免時中酒多病安能強
著書自笑無才供視草徒勞身後問相如

和林宗易雨後韻兼簡沈仲一

溪山秋色日侵尋一水循除萬木陰幸有新炊送農
扈可無勝踐盃朋簪蒲荷綿巨鶴從故鷗鷺追隨下
上音寄語北湖休獨自摩挲周鼎典商鶯

張端士以詩送蘭蕙因和其韻

暮春堂上抱天和時落葉非與客過客有可人須語
似新聲來看玉森羅

寶壇寺林宗易韻

夢回齒頰自天香何必招魂怨渡湘少待精廬天向曉
有來

嘉客歲為常雲山鎮歷魚蝦市煙雨於嚴橘柚鄉最好題名
雙戶闕可題周曆萬年長

蒼宋翔遠見別之作

總角相看五十年行藏殊轍各瞻然豈無子表書成束欲遺
相如賦上天俗眼不寬多小謹交情何限復長篇乘壺偶自
兵厨至聊助征帆一醉眠

嘗語客尊噓橙蟹的對或言今年斗門堅寒故蟹不

上又今秋風急橙蟹亦鮮余發一笑因成二十八字
專鱸有玉西風急橙蟹無金東海深祇為酒醒愁夜水二蟲
得失我何心

因客說秋林木傷復用前韻一

風踏不須盪鼓好霜整須着酒船深無由種林末旁舍旁舍
秋頓已蠹心

己未生初謝萃叟兄送梅

無歲探梅不恨遲緝齋今送兩三枝也知造物多生意亦為
畸人解笑願壬子恰同身墮地庚申還值國開基數家誇道
明年好好在長貧誦繫辭

又

莫笑我培日月遲待看老榦及孫枝天將鵬去春回首人與
花同雪滿頤萬里隄頭空故蹟孤山籬落但餘基至今佳句
無人繼誰與招魂看楚辭

覓花

昔山面水竹週遭雖乏樓臺氣已豪更得好花千百本中國

容我誦莊騷

和徐魏叔見寄三絕

蒲團坐閱歲如梭不管門前雀可羅投贈紵衣總薄物道人

微笑已嫌多

統袴何嘗不誤身梁園金谷草長春送將重錦齊三十笑教
生芻一束人

獨向心源識肯趨豈於身外較精粗淒其下視人間世朝市
區區地一夫

和朱宰遊丁園韻

榆火逢佳節棠陰接勝遊移構忻及暇乘屐共尋幽日靜竹
光合風喧花氣浮主情殊未倦衰暮為遲留

庚申上巳

何事

天低雨露慳一遺晚百感又春闈墨客山
陰竹騷人酒外蘭誰知千古意不在游閑

清明後一日宴客明日宗易送壯丹有詩次韻

客去朝醒惡詩來晚思和名花如洛上佳句近陰何雨故妨

新次春庭墮夢柯莫將行樂地蝸角動干戈

和汪仲嘉樓大防二尚書賀鄭貴和華文休致韻貴
和四明人從其子恭與為瑞安主簿

簪笏相摩入殿廬人皆自笑此區區豈無隻字踰華表未必
千鍾勝針黹吾見北山多後倦誰如東里竟先驅追隨曳屣
粉榆社猶及香山退傅無

歸然名節萬人尊詩落文昌帝九闈耄及衛公還失策早如
疎傳亦傷恩華文延閣如今少神武備門自古存我典東樓
最欣慕掖垣燈火幾同論

寒食早起圍爐中戲和林宗易韻二首

疊帳重裘更怯風絕憐寒食到匆匆一春不見花開落但說
栽花費幾工

春工偏以速為神誰管沉痾未覺春禁得春寒長恣賞甘心

輪與少年人

晚移舟塘次值風而回莘叟兄有詩次韻

經春屏跡與誰同苦雨衣箒亦自烘方此欲為官况事依然
不值世情風蒙茸水國蒲荷蕩馥郁田家橘柚叢最是一年
行樂處翻成咄咄坐書空

送四明方伯起

世事關分合人情看短長君應愁富貴人已畏文章好立觀
雙鬢追隨客累觴未知歸定否吾亦愛吾鄉

送楊涓夫入淮

老去關心取語離不堪離久會還希君方慷慨思矜振我已
婆娑喜情歸萬事莫如身自愛十詩亦與世多違倘將書寄
南來鴈且問瓊花果是非
從族叔覓老桂

他山有桂老巋巖好植梅旁伴橘容着我對吟前赤壁乞君
分典左青龍塗墻之樹宜無取調風將柳初益屋於
東本不凶歸補韻開韻道恭想短章蒙一笑便呼鉅鑿破
苔封

蓮花

伯仲之間竹與梅魏姚聲價浪崔嵬雖然亦混魚蝦風度
自從立盤采

寄林宗大

春已無情雨妬花病還妬客到花家今當未雨絕身健茶
來着半吐葩

和莘叟兄詠張子房韻

不緣多病遽懷安閱盡人間萬事難設以笑談分楚漢竟
功業付蒲葦

朱及之以兩種荔枝結實招飲不及赴以詩謝之

聞譜余嘗第狀元年來雖見僅名存貞存天寶猶徒發賦
相如亦妄論每羨朝陽私沃壤正愁秋雨妬芳樽絳衣三
今何夕照我西歸十二軒傲存十二韻

從徐一之覓菊

我欲作亭題獨立苦無翠蓋著金錢園林百輩皆名勝為
西風乞元員

土盆瓦斛空中久羞見重陽插滿頭寄向柵樓煩送似
壘蟹待新菊

次韻奉扇徐一之送菊

桂叢蘭蕊悄無詳但有哀鴻天一涯節物更誰知自髮交情
於此見黃花聲名獨立空秋際香色平鋪與露華南雅未收
騷致意騷人應欲補詩葩

迂植姪得男朱文昭寄詩於湯餅集即席和韻

喜說徐卿得二雛吾家波及亦君餘青衫手板宜從此斷簡
家藏莫付渠但欲健如黃犢走不妨錯寫芙蓉書更看湯餅
頻頻供笑索梅花到歲除

送鄭主簿泰輿解官歸四明

師友於今說鄭鄉親庭分付舊行箴但知職分宜棲棘盡把
聲名屬想崇一字未曾緣薦墨扁舟終可著詩囊問津漁浦
多西笑獨為菜衣味更長興以乃詩華文光不能神迂

送孟延昌歸蘭溪

典同同命士律協漢諸郎師友今千載妻孥各一方髮從何
處白菊有去年黃惜別無多語翻離三斷章

劉進之飲蕃吏弟筠亭且賦詩余與蕃叟族居益
屏迹不出各數年於是有感次其韵

荆興漁樵日往還鶴亡蜂遁徑苔斑何人不棄尋常事有弟
相忘咫尺間寬網及余端已老祥琴相爾未應閒但將丘壑
全分付可待移文始厚顏

林宗易劉進之見訪有詩再用前韻

牛手日夕鳥知還休說年時玉笋班四皓亦嘗空老去二疏
不在共功間脩書尚覺歸期晚隱几兼忘水日間况有宸章
長對越昭回雲漢不違顏

題錢宰吸光亭圖

樓身雲夢八九上用意風雪五六間惟有澄波兼皓月尚憐
波月蔽虧山

止齋先生文集卷之八

止齋先生文集卷之九

挽詩

擬進 御製

孝宗皇帝挽詞五首

九廟威靈遠一三宗德業尊謳歌思藝祖曆數在神孫欲
返皇圖正先推帝繫恩諸儒議東嚮此意定初元則以元

但謹雞鳴問何知鶴髮侵石經方典學盟載更關心四海竟
喪畢三年舜慕深匆匆付神器長樂尚沾襟

神機規禹迹鬼膽破胡兒大統初歸我成功少待時韃靼懷
不滿簞食問何遑河洛空遺恨年年上玉卮

好學元無數忘疲晚有加明讓宗六藝妙用合三家照映天
經緯派傳士齒牙奎文尋閣慶更合榜重葦

群才何輻輳聖度似天寬清輝留館館黃金散將壇風雲一

語合日月萬人看攀附今無路哀摧壯士肝

孝宗皇帝挽詞五首

聖祖開皇極何心昇後昆天將胡老運世復見湯孫武接規
模在仁追典則存煌煌宋宗社永承配乾坤
源衷何自見寬詔不勝書當守廷方岳逢人間里間歲為爾
委積家被漢疆除巷哭彌天遠長江淚不如
豈以崇高極能忘凜凜憂衣更三弊舊費為十金休煎館無
秋攬期門絕夜遊恭惟懷顯德真可締孫謀
正觀真英主三王合蒸幾此時生後聖端欲睡前微濟世功
何異除充志偶違辛勤三十載十漸更無讖
不作脩齡夢天手詎可堪白雲新厭世黃屋舊非心德業成
千古間闈接八音鳥旒在何許竊重越山岑

挽吳明可給事

諸老俱淪落流風日轉移獨懷憂國意長說渡江時姓字誰
如此功名早不歸却收冰海氣燕坐雪壘頤
憶上諸生謁公方薄恙侵欣然蒙絮帽恨不醉花陰自說看
人熟相期晚歲深半天蒼橫雪回首為沾襟謂公之如宿明
嶺下天大雪明

挽木菴議事人

寵數頻年及俞音萬口傳豐碑未少海大軸落台驢教子宜

如此聞風亦凜然送車今塞道拱木音參天東晉為壽縣縣
守文選相以

盛事無虛得玄襟可自知偏觀同輩行誰似暮年時衣冕起
椒殿簫韶送玉卮又宜天一笑獨此有遺悲

悼蔣昇仲承事

扁舟來往適吾真却笑旁觀道隱淪三釜豈無兒可就百年

要與酒相親。賸栽梅竹，皆緣客晚。得冠裳不語人。試向南窓問漁叟。定於此老亦沾巾。

挽族叔父

松竹深園屋。蓮贖種魚所。愁賓客少不問稻梁餘。盡日

相語盈門手。自書吾兒有名字。萬事聽何如。

我懷終古恨。不及奉觴時。滿眼看諸第。何心賦此詩。牛羊來

蟄。蟄丘墓去纍纍。亦有千鍾養。曾無一字碑。譜史自為

題丁少養姑墓誌後

白髮從夫志。青芻為客謀。送車今幾兩。樂土有斯丘。續前子

猶子聲名甚。他時雨露秋。摩挲看石刻。嗟惜到松楸。父德

挽檀朝奉

裘馬朋簪盛。緋魚筦庫卑。行藏公論在。然否寸心知。歲晏曾

三接。民功僅一麾。空餘華表字。有恨蓋棺時。缺少續

九寺方連茹。專城又夾河。晚看諸子好。孰與一門多。薄海皆驚嘆。亨衢忽薦瘞。大連同厚夜。其柰少連何。

挽包顯使

燕牧常爭席。篇翰早策功。有懷隨事見。不耻與人同。我故奇

諸子。年來識此翁。待看稽古力。喬木已悲風。

翁子看時輩。平生不妄賢。獨於公有誅。惟恐世無傳。他日須

深刻。吾詩可附聯。草黃松栢禿。名與石巋然。翁賦之

挽張子由母

又是君王上玉卮。未央雨露湛垂垂。版輿此去還無恙。芝檢

重來更不疑。四世團樂能有幾。百年漸盡亦堪悲。里中諸母

今誰在。聽說承平枯聖時。

挽潘才叔母

剝啄唯深夜。門前小船有兒能。自致此母已堪傳。竹院前

聞熟桓楹大字懸病懷嗟不及捷筆附諸賢

法華山人

無酒澆陳草將詩刻墮碑遺名從此在真意竟誰知教子還
餘事周人亦有時憶嘗從夜話欲去更遲遲

挽姜文何茂宏

勸駕嘗連墓應門忽二毛竟於時不偶吾更晚相遭宿草堪
揮淚豐碑忍泚毫送車今幾兩誰最戀綈袍

挽薛季益尚書

編試江淮聲藉藉久勞荆蜀鬢蒼蒼同時半已登槐棘卒歲
絕能足稱梁遺業不為他日計佳城尚及此丘巖豈無後作

多文勝今我懷人淚欲滂

州里誰如此達尊戶庭深靜最情敦不將尺牘通當路却枉
扁舟訪杜門每見色溫如有厲次書心愧不能言從今若茶

粉榆社好配橫塘兩獻樽

公與許君

前輩如同郡派風僅幾人不合兒巧宦所尚世清貧及老猶
書卷通班但幅巾吾銘雖未就鄉譽勝堅珉

挽沈次卿學正

洛學傳當代家聲屬此翁一生無世味萬事與人同恨不師
前鄭欣嘗容阿戎宜銘千古意豈在語言工

挽林承信

重交寧問田安在急義固柱官不知臙仕幸多花萼好蠲棧
宜與竹林期床頭周易吾將老案上楞嚴曉得師此意自應

天子後嶧陽未琢長孫枝

悼林仲逸縣尉

家故書千卷生纔試一斑賞音殊不少筮仕獨何艱松菊將

身隱巖壑忽涕港幸哉賢玉潤有誅不容刪

挽張材卿知郡

大儒明之子
素尚書之弟

駉蹕不遠老端明世濟誰如好弟兄能着肯衫偕計吏却將
白髮去遠城夜魂俄斷疑香寢秋淚仍兼曳履聲萬石君家
同一傳嗣書應更有公卿

挽新昌呂脩職

頃作廡廬容看公手種蒔溪毛無亂理宰木有連枝久欲鏡
他五今還賦此詩黯然懷宿昔紫酒定何時

不道千山阻柁堪百世名有兒能自致此老已堪銘祿豈無

三釜賢誰似一絲吾詞雖未就應有護幽宮

挽尤延之尚書

白為師說竟誰宗每事持平處此翁有志政須名節是斯文
非獨語言工要令舉世人材出合在前朝行處中央得長年

留把柅後來各與一帆風

宿留江湖長子孫行箴節節耐人看及為侍從身垂老欲試
平生事轉難書就僅題前太史功成方記舊甘盤令人長恨
經綸意歷重三朝見一斑

向來諸老獨歸然羸不勝衣萬事便燈下細書枕初字雪盡
先着趁朝靴豈應無故令身健却止功名與世傳遺奏定留
封彈藁憑誰吹送九重天

壯歲從游兩鬢霜重來函丈各堪傷那知卒業今無及極悔
論心昨未嘗相約歸期須次第獨存病骨更凄涼他年頼有
門生記記在碑陰永不忘

挽沈虞卿侍郎

官重元非好思間樂有餘生兒早傳業課女夜抄書誌事方
關念歸懷不遂初經綸緣未了天意益留渠

省古真成癖摩挲英眼開斷編遺汲冢名篆出秦臺
懸盡雲山喚不回凄涼子雲宅問字有誰來

挽東陽郭德誼

簪紱何能貴聲名幸自脩凡今為我友幾半與君遊
年托松栢一夜秋令人懷昔日炯炯夢丹丘

悼楊休甫

袖手旁觀一世餘元非親物亦非疎酒邊每事如人意燈下
通宵讀我書學到莊騷纔止此生逢周漢定何如西州相識
無遺恨獨恨無從揆子祛

挽宋巖老參議

居然是是亦非非錯處稠中定不疑萬事過人旁袖手一生
從衆自觀願肯為壯縣雖嘗試略見周行已逆知盡日杜門
佳客至小槽親校酒醪漓

少小修藏近市朝亦非着意混漁樵不為禦寇猶爭席好就
淵明更折腰一飯重違几子約千金終却故人招送車幾兩
交相嘆我獨難忘最久要

悼劉謙之知錄

海內多吾友飄零今幾人相忘尤墮淚欲謀輒傷神余錄同
無止盡之有然才力矜餘地心期耻後塵澹然無一語愁

殺白頭說

挽王興之提刑

四海王詹事博家有象賢官情塵滓外風誼典刑遠遺愛依
前鄭羣居得少連生平纒樂此一憂涕潸然

悼濟陽夫人

久接江山境曾論于姓文於焉觀內則可以繼前聞揀栗嚴
貧豆蕪繁絮祀芬有人言不朽片石合磨雲

挽張春卿尚書

像抱今遺直身名古象賢路車陳左塾笙磬在東懸再世星
辰上三年雨露邊崎嶇空老去有識共潸然

輪建回天力生平與衆同居常焚諫草人自避乘駟朝暮
張仲家聲近曾公挽辭吾不愧收入汗青中

悼翁仲立達州

憶昔看封事令人激懦衷邊籌皆矜的硬語更盤空晚亦通
家好居然典衆同行藏嘗論定誰假一帆風

淮懷何多譽已城僅一麾最書庸使上好語近臣知算路江
山毋難久維舟日月遲空懷歸報憤不逮勞還時

挽劉端木司

十年共語昨來非長憶初年握手時身世自憐心炯炯功名
猶恐論卑卑民異古非蕪淺學者如公好器資續學徐行

逢九軌可堪俟忽九原悲

挽林致賢提舉

一經韋氏學五桂實儀家每耻卿評過深懲履道華大方貴
全歸事已隨空花窠袞未黃閣千年置齒牙

挽劉茂實和川

欲課民庸元道州欲評人品馬少游居無一事可切齒薦有
三公方掉頭送公歷陽今我愁日斷賓薦書沈浮識與不識
涕淚流人世安用頃封侯

鄉士大夫書說自明果然嗚呼悲夫自明為太學諸生數
與余游乾道壬辰同試進士自明不第於是始別別三四
年間自明以釋褐仕于朝而余之再至在所也則自明深
貴絕出其輩行間相過語至其歡狎悲壯與在學校時無
異也余丞郡長樂會自明家居待台州闕更數往來寄道

其所舍僧寺室中蕭然徒與一爭老床焚數隻凡若干口日須婦翁米以為食而自明意寡與在館間時亦無異余每語人自明米日甚長也而今死矣自明言行焯焯在人耳目不但余能言之也余獨悲自明以喜事燦取名於世而死最不幸好議論者曰是宜不良死也余觀自明立朝於進對苟得之間里廝役當諱而不以言上者具以情奏滿朝為危而自明雖即死不悔真若不愛其死者然其事毋孝左右不敢違晚得師友務為靖恭閒雅不苟坐立雖一飲茹亦必揣度無害乃下口余嘗義齒以進自明驚謂曰是可食耶往聞有食此死者至今不近也自明可謂重其死矣士患無志有志矣患不見知於上知而少不合輒不持重以究其用亦上之罪也方自明以母老請外去非上意天下皆以旦夕且復用自明又甚自愛而及於此何

哉是不謂之天耶故余為斯文也他不暇論於其死亟致意焉以見余悲且以詳議者之感亦自明之志歟有明長樂人姓鄭氏名繼嗣曰

母曰余妣子吾莫知其何尤婦曰良人子吾曷為惟此憂兄弟不以其咎子朋友稱其好脩恭不得其故子庸強名之曰命相彼下堂而貽戚子或結縷以順聽萬不同或自取子曾二者孰失其正聲鬼神之所仇子人直躬焉是病骨屬鐘忽墮其前子屈魚腹以為穿子禍作於牖下子顧奚悲而宜慶嗟子何傷子獨余懷不能以自勝尚政相爾巖孤子天終焉其有定

止齋先生文集卷之十

內制

慶元改元詔

勅門下朕以眇身託于兆人之上惟曰兢兢懼無以紹列聖之休而對揚上皇之慈訓也永惟當今之務何者為急非欲百官備輔而民力裕歟夫親君子遠小人慶曆元祐之所以尊朝廷也省刑罰薄稅歛慶曆元祐之所以惠天下也是曩是訓歷年彌長肆于中典舉偏補敝皆於此乎取法克至今日中外又寧朕幸蒙遺業繩祖武而敢一日忘此乎撥取羨號於紀元詩云不愆不忘率由舊章蓋庶幾周成焉其以明年為慶元元年故茲詔示想宜知悉

括文神武成孝皇帝梓宮落闕禮

奏告祝文

伏以兩楹啓殖六引徂東欲仍几之神以即因山之吉
敬先虔告用奠安行尚享

啓攢畢梓宮還殿

皇帝行祭奠禮祝文

伏以厭世上賓終天永歎撤攢塗而即吉罄薄海以奉號明
奠雖虔瞻言何及尚饗

發引前一日初更總護使行夜祭祀祝文

伏以三年之制念在終喪七月有期忍當明發共瞻祭事曷
究辰祫尚饗

二前引前期祭告錢塘錢清江龍神祝文

伏以於昭烈祖將祔思陵方六紳之問津維大川之借助用
伸忱請尚奠明聽尚饗

發引遷奠祝文

伏以仰止龍輅輦于丘壟方少頌於盤日庶求妥於賈天昭
告何云哀摧罔極尚禱

掩攢前一日奏告

昭慈聖獻皇后

徽宗皇帝

顯恭皇后

顯肅皇后

顯仁皇后

高宗皇帝

憲節皇后攢宮祝文

伏以思皇烈祖祔諸陵當復土之及期願在天之垂祐不
震不壞以永萬世之藏未變未寧如同一堂之上尚饗

掩攢祝文

伏以遣車攸屆復土維新竟歲橋冢之衣冠莫覩堯天之雲
日永懷弗及隕越何勝尚饗

九虞祭祝文九

一虞

伏以稽山仰止想祖烈之攸宣清廟肅如悵神游之未泯於
茲易莫何以勝哀尚饗

二虞

伏以蒙衣安在烏堪丹旆之恩虞凡是憲尚系美備之念道
周之薦海內如推尚饗

三虞

伏以亘古永達貽孫謀之如在自今始吉嗟孺慕之何辜三
薦既陳長號罔措尚饗

四虞

伏以信信宿宿暫安於神棲子子孫孫水懷於祖武方身而
濟有淚如傾尚饗

五虞

伏以維堯傳舟俄同關於衣冠自越入吳西獨還於聖裔望

如弗及哀曷能勝尚饗

六虞

伏以念茲皇祖忍當昌歎之陳曠上彼昊天痛極胡髯之逝恭
迎仗衛疑對音容尚饗

七虞

伏以濤江限斷昔攝事於攸司郊次森嚴方訪躬於斯薦報
依永已慟哭何云尚饗

八虞

伏以顧瞻橋冢已深萬古之藏想像衿衣尚御重華之舊履
虞將畢追慕采新尚饗

九虞

伏以百神受職來奉於主車三后在天行升于祖廟哀哉永
訣忍此終虞尚饗

捲攢畢謝土神祝文

伏以於皇烈祖來附思陵允惟百神襄此大事敢忘蒼旣更
冀明聽呵護之虞永無敷尚饗

安南國王李龍翰加恩制

敕門下朕宣室受鑿言念梯航之遠揚廷乎瀚載甄綸綍之
恩以昭烈祖之宏摹以篤价藩之丕祉推誠順化秉信守
奉國履常懷德謹度思忠功臣特進檢校太尉充靜海軍節
度觀察處置等使兼御史大夫上柱國安南國王食邑一萬
戶食實封三千八百戶李龍翰恪勤厥服紹美于前克疑千
里之封勿替累朝之好霜露可墜罔同洽於至仁倉海不波
蓋良器共多助維時嗣服有事合官亦遐想於稱恭莫共陪於
華祀駿奔在廟雖阻脩黼啤之儀旅實充庭嘗與備蕭茅之
享肆盼新渥爰廣舊封表載籍之名言侈元勳之顯福於戲

閔予訪落疇在公助祭之勞嘉乃象賢謹典國威休之慶於
焉申錫其尚欽承可依前特進檢校太尉充靜海軍節度觀
察處置等使兼御史大夫上柱國安南國王加食邑一千戶食
實封四百仍加濟美功臣散官勳如故主者施行

賜徽猷閣學士太中大夫知襄陽府張杓辭免改差

知建康府恩命乞在外官觀不允詔

勅具官某省所上表辭免恩命事具悉爾獨不聞故國世臣
之說乎而來諗疾也夫保墳茲孰與成先正之美休同歸美
與圖累朝之報智者當有所擇矣式遏其驅毋事多遜爾辭
宜不允

賜文武百寮宰臣趙汝愚等上表請

皇帝還內不允批答

省表具之朕遭家多難懷乎懼不足以當大事頌天之靈

廟之枯迺者壬寅獲與同軌附烈祖於思陵而遣直祖東還
主未返仰止稽山明發不寐皇皇望望未知所為也公拜曰
辟其何以懈朕而欲徇故常之請還廢內平女將稟命于
上皇以供養仍允虞侍兩宮為事所請宜不允

賜趙汝愚等再上表請

皇帝還內宜允批荅

嘗表具之夫會朝之置議非所以示下宿衛之恭露非所以
持久朕豈不熟慮此歟但以任奴之養未忍遽離阜陵復土
盡亦宿留是用却前請而勿聽也今承命三宮皆曰不可百
辟卿士又懇懇以為言朕惟捨獨見以從衆允何大權而勝
私誼自古后王鮮不由此顧如中人其敢哂觀尋之意抑臣
庶而弗省乎所請宜允
止齋先生文集卷之十

止齋先生文集卷之十一

外制

自紹興四年正月以後

皇后歸謁家廟親姪忠訓郎閣門宣贊舍人幹辦軍
頭司李孝純武經郎帶 御器械幹辦皇城司李孝

友各特轉右武郎

數具官某等朕惟古后妃有求賢審官之志而不私謁而人
主則特陰於肺腑之親夫惟后妃彌遜人主彌恩斯可觀已
日者吾后省家廟爾某皆以猶子祗服厥事朕何愛一橫行
郎而不以寵汝惟無忝爾祖以長守富貴則予汝嘉可

皇后親姊故任武節郎閣門宣贊舍人致仕霍漢

妻平涼郡夫人李氏封成國夫人故任武經郎致仕

馬煥妻安化郡夫人李氏封信國夫人忠訓郎

廉妻彭原郡夫人李氏封崇國夫人

教朕惟古后妃有求賢審官之志而不私謁而人主特隆於肺腑之親夫唯后妃彌遜人主爾恩斯可觀已具位某氏既以淋惠友于坤儀日者翟卓選省家廟越來相事禮無違者其益湯沐視君夫人尚服寵榮以綏壽祉可

皇后親姪孫承節郎李瑜李榮各轉兩官

教具官某等日者吾后還省家廟朕循故事推恩后族自每及甲冑或遺者尔以幸會爰進二階豈不榮哉尚務增共以綏爾祉可

皇后親姪婦故忠訓郎贈文州刺史李試妻安人潘

氏右武郎帶御器械幹辦皇城司李孝友妻安人趙氏親姪女通直郎充點檢驍軍激賞酒庫所幹辦公事韓松妻安人李氏並特封恭人親姪孫孫女右武郎帶御器械幹辦皇城司李孝友女孺人李氏特

封安人

教具位某氏朕惟古后妃有求賢審官之志而不私謁而人主則特隆於肺腑之親夫惟后妃彌遜人主爾恩斯可觀已日者吾后省家廟爾以孺子實來相禮朕嘉典之用益汝封尚朕寵榮以無違我齊家之化可

皇后親姪女夫通直郎充點檢驍軍激賞酒庫所幹

辦公事韓松特轉一官

教具官某日者吾后還省家廟朕循故事且酌有司之議推恩后黨而爾來自熟閑雅有能稱着在甥館亦與幸會至於增秩豈不榮哉尚務增共以綏爾祉

皇后親姪女之子從事郎韓大用大任各循兩資

教具官某朕惟古后妃有求賢審官之志而不私謁而人主則特隆於肺腑之親夫惟后妃彌遜人主爾恩斯可觀已日

者吾后省家廟爾等迺以諸甥亦與幸會例進兩階豈不崇
哉尚朕寵章無忘忠報可

皇后親屬進武校尉韓大有將轉承信郎

教具官某日者吾后還省家廟朕循故事且酌有司之議推
恩后黨而爾以諸甥亦與幸會例進一階豈不禁哉尚朕寵
章無忘忠報可

皇后閣提舉官武功大夫帶御器械楊舜卿轉

密使

教具官某等方用盛時后妃永懷賢士大夫僕馬俱病而不
敢私調於上徒欲為觴酒勞苦之而竟不可得慨嘆而已尔
服勞官闕迺以吾后有事家廟之思至將廉車豈不禁哉而
梁之周人何其幸也尚朕寵章無忘忠報可

皇后幹辦宅使義郎張友直忠訓郎沈直各持轉一

官

教具官某等朕酌有司之議推恩后族而及其私人爾等遠
與幸會各進一階其尚恪恭毋替爾事可

隨龍節武郎閣門祇候兼皇后閣主管進奉來佐顏

內翰林醫官太醫局教授王良佐成安郎陳翊頴內

翰林醫官郭儀忠訓郎幹辦人船伊昱忠訓郎主管

文字傅昌時忠訓郎掌儀奏劉玘忠翊郎主管進奉

周良臣成忠郎掌儀奏黃允文隨龍成忠郎浙西安

撫司准備將領主管進奉趙友信成忠郎私名掌儀

秦吳衍保義郎王寧貴師旦承信郎陳琪承信郎轉

運司准備差使王演承信郎魏嘉言承節郎薛拱承

節郎幹辦人船李放進武校尉私名掌儀李大受該

遇皇后歸謁家廟並特轉一官

教具官某等日者吾后還省家廟朕循故事且酌有司之議
推恩石黨而及其私人爾等各以幸會至於增秩豈不榮哉
而務肅給安忘其事可

兼義郎韓侂胄特授閣門舍人

教具官某朕永惟舊相有勲勞於我家而其裔孫或蒙藏里
之澤越在右階無以著見唯是試之後省以發其文官之上
闕以華其選尚庶幾焉爾其懋哉用俟明陟可

皇伯太師嗣秀王伯圭合得冠帔一十五道並特授
封孺人賜親屬內欲將一名與故妻秦國夫人姝宋

氏封孺人

教具氏古者醜勲賢之勞則及其私人况所尊敬自吾

壽皇以死禮之者乎况其君夫人父之同產子乎以其馳思
爵志命婦雖過於惠朕何愛焉可

閣門官贊合人潛恭特授武德郎落閣職權發遣臨

安府紅馬鈐轄

教具官某爾男爵也習於階兼之儀而不開軍族之事非
官之意矣第其久勞優以增秩試移賓政往治戎韜其務起
功以須器使可

起復武功大夫文州刺史興元府駐劄 御前右軍

統制兼知鳳州郭諧特轉復州團練使令再任

教具官某朕以禁旅扞邊而擇將以撫馭之閱歲云久西顧
晏然方眷其勞就進我圉之峻尚難其代故遲瓜戍之更爾
其茂對新恩踐修舊績式嚴式律兼緝那條朕不汝忘將有
明陟可

皇元沂州防禦使權王奉吳王祫祀多才磨勘轉明
州觀察使

敕朕崇長宗支以綿帝繫高爵厚祿宜與共之而猶計歲課勞循次而進所以昭至公謹成憲也具官某信厚以為厚瑄共以自將入不恃家人之恩而出無違於闕庭之禮况以華屬于今義人則徑陟廉車誰曰不可而必中有司之度積十年然後進之豈朕有兩愛哉然而身無吏事之責秩比法從之崇其視匪躬盡瘁沒齒下僚者又何其幸也宜對殊渥無忝所生可

武功大夫和州防禦使權知閤門事恭客省四女館直學士韓侂胄特與落階官臣察繳奏特與轉行右武大夫

及子孫簡在戚里於馬尚主於馬納后凡可以熾韓氏之門者無愛也具官某蚤以才稱荐膺器使處職上閱宣勞累年

唯彼橫行賞典所吝獨以命汝庸示殊恩一以懽慈福之心一以大忠獻之後蓋亦自勉庶穆聲言可

武功大夫集慶軍承宣使入內內侍省副都知張安仁除入內內侍省都知武功大夫祁州團練使入內內侍省押班李彥正除入內內侍省副都知

敕具官某朕嘗稽之周制內宰隸於天官夫古道誠未易復也至於建隆舊章尚有宣徽院之籍今亦廢矣而別為北司則為之長者顧不當謹擇其人乎是用命爾以肅禁中蓋親近之久識察之詳矣其益靖共以身率屬毋使外廷謂汝不稱可

武功大夫和州防禦使帶御器械于惟脩武功大

夫明州觀察使帶御器械楊舜弼並除入內內侍

省押班

教具官某自宣徽院之籍廢而比司之長蓋難其人朕既差擇之矣則參伍其間以相內治苟不有以自異於輩行而識風指謹態度者皆不在此選也然則爾名在四人之數蓋亦思報稱者哉可

張祐正係隨龍祇應勤勞特補承信郎

數某日第攀附之勞而偶遺改蓋累年于此矣爰詔有司授之初官以見朕懷不忘疇昔可

武節郎御前祇應齋孝友應奉有勞特博一官

教具官某服勞左右雖無顯庸閭日進官亦國之舊可

殿前指揮使左班年代上名劉成等十五人授備武

印許元等三人授訓武郎御龍直上名方正等三人

授忠訓郎殿前指揮使左右班守闕行門蔣榮十三

人授從義郎東第一班上名莫勝等四人授承信郎

散直上名孟端等七人授承信郎

教具等饗衛士而遣之古也而命以官則彌恩矣往祇吏職毋替忠勞可

皇弟右監門衛大將軍復州團練使多助皇弟右監

門衛大將軍成州團練使多能實及一十年並該磨

勳轉防禦使

教具官某等朕崇長宗支以綿帝繫而猶計歲課勞循次而進所以招至公謹成憲也以爾靖共簡在近屬眷焉增秩誥曰不宜而須暇十年以中有司之度豈顧有所愛哉以此風厲則為士者勸矣可

入內侍省東頭供奉官降授寄資武功大夫遙郡

刺史霍汝翼轉歸吏部除帶御器械

教具官某自以諸司使改今寄祿官而內侍與戎行雜矣然

而名不在銓書之籍則猶壯秋官是則異焉耳轉而屬銓斯為
罷逐爾其敬哉母曰序進可

招前班殿待嘗彥澤在班及十五年補承節郎仍舊
存留在班祇應

敕具官某方罷遣衛士而次第官使之爾以藝成令祇舊次
巨益矜舊以須後思可

瀘州軍變守臣張孝芳被害特贈三官與兩子恩澤
敕具官 朕觀春秋書盜殺某人夫謂之盜則非死者之罪
夫蓋喟然歎曰士大夫或死於不幸而無所歸咎者焉則其
所遭之變非必有以取之此仁君之所務白也國家開暇士
馬飽逸受命分關尊重難危而爾曾無咎瑞獨罹不測之禍
夷攷其治皆率故常則盜起帳下非春秋之所不罪者歟雖
歿世無叛兵入矣庸人為持高枕有餘爾以名派頌至於此

極典之隆豈但汝哀亦以使繼今者之知懼焉可

瀘州被害官兵故節度推官杜美贈兩資典一子下
州文學故忠訓郎瀘州駐泊兵馬監押安彥斌贈三
官典一子承信郎故下班祗應潼川府鈐轄司指使
雷世忠贈承信郎

敕具官其等苟能効死於其長上皆忠孝之徒也瀘盜之興
爾等義不顧身各死於帥極典之厚朕豈有所愛哉可

儒林郎前瀘州安撫司幹官郭仲傳失覺察本廳廩
候張信為亂首亂作後與賊宴飲相為賓主特降三
資放罷

敕具官某仰死于亂卒而爾為屬顧欲以卑調自全可乎削
之三階尚用中典繼今有耻亦豈汝棄可

太史局測驗渾儀刻漏所學生周奕特補草壺正

敕某今官類非古稱謂而掣壺氏見於周官爾以諸生馴致於此亦宜知所職矣可

備武郎閣門省班祇候霍寬夫供職實及二年與落省班二字

敕具官某課其年勞正其名稱非徒以叙遷也由是而釋煩辱之事則宜知自貴重矣可

部侍郎倪思訪備

至尊壽皇皇帝聖政特轉一官

敕昔者仲尼序書斷自三典以為堯舜揖遜之義後世弗可及矣矧惟我家父作子述不待倦勤親相授受蓋視帝者有光焉則聖政之作豈不足以匹休虞書哉具官某以折衷六藝之學發明心傳以同風三代之文揚厲治効作宋一藝垂之無窮及此奏篇朕為之序日上慈家壽皇嘉馬藉使仲

尼在宜如何表異之而有司以第賞爰進一官此朕之所甚不愛也可

秘書省著作郎

有開著作佐郎李唐卿王容

太常丞兼

國史所編類

聖政檢討官章顯

將作少監黃文並該備進

至尊壽皇皇帝聖政內黃文係經備不經進各特轉

一官

敕具官某等昔者仲尼序書斷自二典以為堯舜揖遜之義後世弗可及矣矧惟我家父作子述不待倦勤親相授受蓋視帝者有光焉則聖政之作豈不足以匹休虞書哉爾等各以名儒載筆東觀作宋一藝垂之無窮及此奏篇朕為之序日上慈家壽皇嘉馬藉使仲尼在宜如何表異之而有司以故事第賞爰進一官此朕之所甚不愛也可

敕某今官類非古稱謂而掣壺氏見於周官爾以諸生馴致於此亦宜知所職矣可

備武郎閣門省班祇候霍寬夫供職實及二年邊落看班二字

敕具官某課其年勞正其名稱非徒以叙遷也由是而釋煩辱之事則宜知自貴重矣可

部侍郎倪思訪備

至尊壽皇皇帝聖政特轉一官

敕昔者仲尼序書斷自三典以為堯舜揖遜之義後世弗可及矣矧惟我家父作子述不待倦勤親相授受蓋視帝者有光焉則聖政之作豈不好不虞書哉具官某以折衷六藝之學發明心傳以同風二文揚厲治効作宋一藝垂之無窮及此奏篇朕為之序

家 壽皇嘉馬藉使仲

尼在宜如何表異之而有司以故事第賞爰進一官此朕之所甚不愛也可

秘書省著作郎黃由洵有開著作佐郎李唐卿王容太常丞兼 國史日曆所編類 聖政檢討官章顯將作少監黃文並該備進

至尊壽皇皇帝聖政內黃文係絰備不絰進各特轉一官

敕具官某等昔者仲尼序書斷自二典以為堯舜揖遜之義後世弗可及矣矧惟我家父作子述不待倦勤親相授受蓋視帝者有光焉則聖政之作豈不足以匹休虞書哉爾等各以名儒載筆東觀作宋一藝垂之無窮及此奏篇朕為之序口士慈辰 壽皇嘉馬藉使仲尼在宜如何表異之而有司以故事第賞爰進一官此朕之所甚不愛也可

承信郎監潭州南嶽廟徐靖忠訓郎祕書省書庫官
戚瑞友訓武郎監祕書省門梁周弼翊郎趙亨該進
至尊壽皇聖帝聖政各轉一官

敕具官某皆賞典也而他以待煩辱之勞至以隸書局進
剛爾爾夫爾尚勉思無忘忠報可

武功大夫降授昌州刺史帶 御器械霍汝翼該進
至尊壽皇聖帝聖政特轉成州團練使

敕具官某鈔槩之勞驟學士大夫力也而無入乎其間則安
能闕乙夜之覽今也奏牘來上俞音不遲慈庭有澤冊府改
觀是誰之助歟則以爾端恭實與執事通達中外其勞爾
天以文字得官皆德賞也進之遙荆我曰不可其尚勉思以
爾殊隆可

宗正少卿鄭汝諧奉使回侍轉一官

敕具官某爾以老師宿儒銜命萬里循隣好於北庭縉紳性
往憫勞汝矣朕觀春秋使騁之際楚人欲傲晉叔向以其所
不知而不能晉人亦曰鄭子產博物君子也而皆異其禮有
以大國而微者師宿儒專對四方非所以令遠人見也迨茲
歸報豈馬無闕而書勞進秩但循故事豈朕所以相勞若之
意哉爾其少休嗣有寵數可

閩門舍人兼 皇子嘉王府內知客燕令雍奉使回
侍轉一官

敕具官某嶺上閩之儀聯朱邸之事皆華選也爾以趣操文
藻至於共二可謂吾親臣矣是用命爾介于嘗使銜命萬里
循歲聘於北庭迨茲歸報豈馬無闕則朕所以相勞若之意
何但循故事增秩哉有它論朕不汝忘可

奉使親屬一員淮東安撫司幹辦公事燕令憲准借

差遣一員新監明州驍軍酒庫黃仁裕書狀官一員
新明州昌國縣主簿楊正臣指使將仕郎葉時宇將
仕郎鄭知等回程各摺一官

敕具官某等比出疆者有賞所以勞苦之也爾隸使事與於
摩駁迨茲歸報書勞進秩蓋國舊章朕宜汝吝可

閩門宣贊舍人宋克俊夏允言閩門泝候蔡唐卿宋
慶恭並該應舉人使十次賞各轉一官

敕具官某等贊儀上閩能與聘容周旋十不失一亦既勞矣
評功增秩益國舊章尚益增共以瀆器使可

浙江潮神順濟廟善利侯祈禱感應特加忠靖二字
敕某神朕固不為祕祠專鄉其福也至四方長吏有為言已
請曰岳山川之神能惠其境中則褒崇之典朕靡愛焉以庶
幾古蜡百神之義矧惟清江近在窠內而有司以報體未稱

將侈大之用錫羨名以從民欲神尚終惠使世世享可

素州仰山神特加父母妃施子婦封號

敕某神等朕固不為祕祠專鄉其福也至四方長吏有為吾
民請曰某山川之神能惠其境中則褒崇之典朕靡愛焉以
庶幾古蜡百神之義惟仰山之神禮以王祀而自江以西猶
未慰滿是用推本父母施及子婦或陰品秩或衍稱號朕既
以寵嘉神既以從民欲者如何哉尚終惠之俾世世享可

知平江府沈樛奏五龍靈齋廟乞加封第一位龍

王封東靈侯第二位龍王封西侯第三位龍王封中
侯第四位龍王封南平侯第五位龍王封北寧侯

敕某神等朕雖不令祠官祝釐專鄉獨美至四方長吏有為
吾民請曰某山川之神能惠於其方則褒崇之典朕靡愛焉
以庶幾古蜡百神之義矧惟五龍以時節雨暘功著近甸雖

民二千石雅不言機祥而具道所以然之故文詞爛焉是勳
命書秩以侯爵則所以寵嘉神貺以徯民欲者何如哉尚終
惠之俾世世享可

懷安軍金堂縣進士黎崇禮年一百三歲遇大禮恩
特補迪功郎致仕

敕某昔在元祐合祭于闕丘之歲而汝以生於今五朝矣朕
方奉觴兩宮為萬歲壽迺如高年甚心羨之爰因郊養登諸
仕版以見吾貴老近親之意且以教天下之孝也可

翰林醫愈充 重華宮擺鋪軍兵醫治兼臨安府駐
泊者醫邢守中到官及二年轉額外翰林醫痊

敕具官某天官之屬六十而醫命士二十有八人周家之重
醫也如此再歲無失爰進一官此又吾家法也往服明恩毋

怠爾事可

止齋先生文集卷之五十一



